



Aasiaat, 17. februar 2016

Inatsisartut suleriaasianni § 37 naapertorlugu Naalakkersuisunut imaattunik apequtissaqarpunga:

(Inatsisartuni ilaasortaq Ane Hansen, Inuit Ataqatigiit)

Apeqqutit:

- 1) Nunat tamalaat akornanni umiartortunut atorfinitsitsinermut tunngasunik inatsisaata Danmarkimi aamma atuuttup Kalaallit Nunaanni atuutsinnialernerani, Naalakkersuisut naapertorlugit iluaqutissartai ajoqutissartaalu suuppat?**
- 2) Umiartortunut inatsisip atuutsinneqalenera Nunatta karsianut inuussutissarsiornermullu aningaasatigut aqutsinikkullu naatsorsuutigineqartutut qanoq kinguneqassava?**
- 3) Umiartortunut suliffiup sivisussusissaanut umiarsuillu inuttalerneqarnerannut ILO-p aalajangersagaata nr. 180 22. oktober 1996-meersup kiisalu ILO-p aalajangersagaata 23. februar 2006-meersup atuutsinneqalerneranni Naalakkersuisut naapertorlugit iluaqutissartai ajoqutissartaalu suuppat?**
- 4) Umiartortunut aalajangersakkat taakkua marluk atuutsinneqalerneranni Nunatta karsianut inuussutissarsiornermullu aningaasatigut aqutsinikkullu naatsorsuutigineqartutut qanoq kinguneqassanersut Naalakkersuisut paasissutissiissutigisinnaavaat?**

Tunngavilersuut:

Ilisimavara 2015-mi septembarip aallartinnerani Atorfillit Kattuffianniit Aalisarnermut, Piniarnermut Nunalerinermullu Naalakkersuisoqarfimmut saaffiginnittoqarsimasoq Danskitt umiartortunut inatsisaata Kalaallit Nunaanni atortinneqalernissaa inassutigineqarluni, kiisalu nunani tamalaani aalajangersakkat marluk, tassa Umiartortunut suliffiup sivisussusissaanut umiarsuillu inuttalerneqarnerannut ILO-p aalajangersagaata nr. 180 22. oktober 1996-meersup kiisalu umiartortut sulinerminni atugaannut tunngatillugu ILO-p aalajangersagaata 23. februar 2006-meersup, MLC aalajangersakkamik taaneqartartup, nunatsinni atuutsinneqalernissaannut Naalakkersuisut sulissuteqaqqullugit inallugit.

Inassummut uunga Naalakkersuisut qanoq isumaqarnerat tusagaqarfigerusuppara, taamatullu atuutsitsilernermi kingunerisissaanut Naalakkersuisut qanoq naliliinerat tusagaqarfigerusullugu.

Ullut suliffiusut qulit iluanni apeqqutima akineqarnissaat kissaatigaara.

